



स्वयान कौके

पहुरा थारु दैनिकके अनलाइन न्यूज ओ ओकरभिट्टर डारल इ-पेपरमे देशविदेशसे हमार अनलाइन न्यूज ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ७० वि.सं. २०८३ कुँवार ९ गते शुक्र

थारु सम्वत (२६४९)

[Friday 25 September 2026]

(मोल रु. ५ ।- पेज ४)

भारी वर्षाके पूर्वानुमानपाछे उच्च सतर्कता

सेनाके हेलिकप्टरसहित विपद् प्रतिकार्य तयारी अवस्थामे

पहुरा समाचारदाता

धनगढी, ८ कुँवार । मौसम पूर्वानुमान महाशाखासे तीन दिनसम्म भारी वर्षा हुइ सेक्ना पूर्वानुमान करलपाछे सुदूरपश्चिम प्रदेश सरकारसे पूर्व तयारीके साथ उच्च सतर्कता अपनैले बा ।

प्रदेश सरकारसे वर्षाके कारण हुइ सेक्ना बाढी, पहिरो जैसिन विपत्के घटनामे कौनो फेन बरवार दुर्घटना वा मानवीय क्षति हुइ नैडेना मेरके पूर्व तयारीके साथ उच्च सतर्कता अपनाइल हो । सरकारसे अति भारी वर्षा हुइ सेक्ना प्रक्षेपण करल दार्चुला, बझाङ, बाजुरामे नागरिकहे सचेत कैनासे लेके सतर्क रहना आग्रह करसेकल सरकारके प्रवक्ता एवम् उद्योग, पर्यटन, वन तथा वातावरणमन्त्री प्रकाश रावल जानकारी देलै ।

उहाँके अनुसार बाढी, पहिरो जैसिन विपत् आइल खण्डमे विपत्मे परल नागरिकके उद्धार, व्यवस्थापन लगायतके कार्यके लाग सुरक्षा निकायहे पूर्ण तयारी अवस्थामे रहना सरकारसे निर्देशन डेसेकल बा । मन्त्री रावल कहलै, “कौनो फेन बरवार दुर्घटना ओ मानवीय क्षति हुइ नैडेहक लाग प्रदेश सरकार अग्रिम अलर्ट बा । उहे अनुसार सरोकारवाला सम्पूर्ण निकायहे हाई अलर्ट अवस्थामे राखल बा ।”

जल तथा मौसम विज्ञान विभाग मौसम पूर्वानुमान महाशाखासे कुँवार ९ गते शुक्रसे कुँवार ११ गते अँटवारसम इ प्रदेशके कुछ स्थानमे फेन मेघगर्जन/बाज/हावाहुरीसहित भारीसे भारी वर्षाके सम्भावना रहल प्रक्षेपण करले बा । उत्तर अन्डमान सागर ओ आसपासके क्षेत्रमे विकसित न्यून चापीय क्षेत्र हाल बङ्गालके खाडीके मध्य भाग आसपासमे रहल मौसम पूर्वानुमान महाशाखासे जनैले बा । उक्त प्रणाली थप शक्तिशाली बन्टी बलगर न्यून चापीय क्षेत्र (डीप डिप्रेसन) होके उत्तरपश्चिम दिशा ओर सर्ना डेखल ओरसे मुलुकके टमान प्रदेशमे वर्षाके गतिविधि बढ्ती जैना डेखल महाशाखा जनैले बा ।

इ प्रदेशके पहाडी तीन जिल्लाहे महाशाखासे रातो क्षेत्र अर्थात प्रतिकार्य करे पर्ना क्षेत्रके रुपमे संकेत करले बा कलेसे पहाडके अछाम, डोटी, बैतडी, डडेल्धुरा

पहुरा समाचारदाता

धनगढी, ८ कुँवार । आगामी शुक्रसे तीन दिनसम्म देशके टमान स्थानमे भारीसे अतिभारी वर्षाके पूर्वानुमान करल सुदूरपश्चिम प्रदेशमेफे सजकता अपनैती विपद् प्रतिकार्यके लग सरोकारवाला संयन्त्र तयारी अवस्थामे राखल बा ।

सम्भावित वर्षातमे उच्च जोखिममे रहल बझाङ, बाजुरा, दार्चुला ओ अछाममे उच्च सतर्कता अपनैना ‘एलर्ट’ जारी करल जल तथा मौसम विज्ञान कार्यालय अत्तरीया, कैलालीके निमित्त प्रमुख सञ्जयकुमार शाह जानकारी देलै । “चुरे क्षेत्रमे वर्षात् हुइ सेक्ना इ दुई जिल्लाहे फे उच्च जोखिममे राखल एलर्ट करल बा ।” उच्च जोखिममे राखल सुदूरपश्चिमके पहाडी जिल्ला दार्चुलाके प्रमुख जिल्ला अधिकारी वर्तराज पौडेल सम्भावित वर्षापाछे उत्पन्न हुइसेक्ना विपद्के परिस्थितिसे बच्न नागरिक तहसम सुचना जारी बरल बटैलै ।

उहाँ कहलै, “सडक अवरुद्ध हुइल तत्काल सञ्चालन कैना स्काभेटर तयारी अवस्थामे राख्नाके साथे दुई महिनासम्मके लग खाद्यान्नके बन्दोबस्त करल बटी ।” उहाँसे स्रोतसाधनसे हुइलसम्मके तयारी करल बटैलै । ओस्टेक करके बझाङके प्रमुख जिल्ला अधिकारी मुकेशकुमार केशरी गृह मन्त्रालयसँगे समन्वय करके पूर्वतयारीबारे छलफल हुइटीरहल बटैलै । उहाँ कहलै,

ओ तराईके कैलाली, कञ्चनपुर सहित छ जिल्लाहे पहिल क्षेत्र अर्थात अद्यावधिक हुइ पर्ना संकेत करले बा । मौसम पूर्वानुमान महाशाखासे तीन दिनसम इ प्रदेशमे फेन भारीसे भारीसम वर्षा हुइ सेक्ना पूर्वानुमान करलपाछे प्रदेश विपद् कार्यकारी परिषद्के तत्काल बैठक बोलाके पूर्व तयारीके विषयमे सम्पूर्ण सरोकारवालासंग छलफल करल विपत् हेना आन्तरिक मामिला तथा कानुनमन्त्री खुशीराम ङ्गौरा थारु जानकारी देलै । उहाँ विपत् प्रतिकार्यके लाग प्रदेश सरकारसे मज्जा तयारी करल बटैलै ।

“सुरक्षा निकायहे सक्कु बन्दोबस्तीके साथ हाई अलर्टमे रहना निर्देशन डेले बटी”, मन्त्री थारु कहलै, “विपत्मे सरोकार रखुइया



“बझाङहे उच्च जोखिममे राखल उहे अनुसार विपद् प्रतिकार्य तयारी हुइटीरहल बा ।”

स्थानीय प्रशासनके साथे सुदूरपश्चिममे सुरक्षा संयन्त्रहेफे सम्भावित विपद्से क्षति कम करके लग विपद् प्रतिकार्य तयारी तीव्र पारल बटै । सशस्त्र प्रहरी बल श्री नं ७ वैद्यनाथ बाहिनी अत्तरीयाके सशस्त्र प्रहरी बरिष्ठ उपरीक्षक रमेशकुमार पाण्डेयसे मौसम पूर्वानुमान महाशाखासे आइल खबर अनुसार सशस्त्र प्रहरी बलसे विपद् प्रतिकार्य तयारी करल जानकारी देलै । “उ अवधिमे सशस्त्र प्रहरी कर्मचारीहे बिदा देल नै हो, सुदूरपश्चिममे तैनाथ सशस्त्र प्रहरी युनिटके साथे विपद्के लग यहाँ १४ ठो अस्थायी विपद् सुरक्षा वेश तयारी अवस्थामे राखल बा । सरोकारवाला निकाय

संघसंस्थाहे फेन तयारी अवस्थामे रहना आग्रह करले बटी ।”

मनसुन लगायत अन्य प्राकृतिक विपत्जन्य घटनाके बारेम जानकारी डेना ओ सक्कु जिल्लामे समन्वय करक लाग प्रदेश आपतकालीन कार्य सञ्चालन केन्द्र चौबिसे घण्टा सञ्चालनमे रहल बा । जल तथा मौसम विज्ञान विभागसे जारी करल सूचना अनुसार आपतकालीन कार्य सञ्चालन केन्द्रसे सक्कु जिल्लाके विवरण संकलनसे लेके सूचना आदानप्रदान

ओ सुरक्षा संयन्त्रबीच समन्वय हुइटीरहल बा”, उहाँ कहलै ।

बङ्गालके खाडीके मध्य भू-भाग आसपास रहलके न्यून चापीय क्षेत्र थप शक्तिशाली बन्टी गिलके ओ ओकर प्रभाव नेपालमेफे पर्ना बटाइल बा । भारी वर्षाके कारण बाढ, पहिरो ओ डुबानके जोखिम हुइ सेक्ना हुइल आवश्यक सतर्कता अपनैना सुरक्षा समितिहे प्रतिकार्य तयारी करटीरहल बटै ।

नेपाली सेनासेफे सुदूरपश्चिम प्रदेशमे विपद् प्रतिकार्य तयारी पुरा हुइसेकल जनैले बा । प्रभावित नागरिकके उद्धार ओ राहतके लग सेनासे सुदूरपश्चिम पुतनामे हेलिकप्टर तयारी अवस्थामे राखल नेपाली सेना जनैले बा ।

कैना केन्द्रके स्रोत व्यक्ति जनक धामी जानकारी देलै । उहाँ विपत् कार्यकारी समिति ओ परिषद्से करल निर्णय अनुसार प्रतिकार्यके गतिविधि सञ्चालन हुइना उल्लेख करलै ।

प्रदेशमे बाढी, पहिरो जैसिन विपत्से प्रभावित हुइ सेक्ना नागरिकके लाग बन्दोबस्तीके सामग्री मौज्जात रहल आन्तरिक मामिला तथा कानुन मन्त्रालयसे जानकारी डेले बा । त्रिपाल लगायत अखाद्य वस्तुके अभाव नैहुइना मन्त्री ङ्गौरा बटैलै ।

गेटा विश्वविद्यालयके पदपूर्तिमे राजनीतिक हस्तक्षेप नैकरना निर्देशन

पहुरा समाचारदाता

धनगढी, ८ कुँवार । राष्ट्रिय स्वतन्त्र पार्टी (रास्वपा) सुदूरपश्चिम प्रदेश समितिसे शहीद दशरथ चन्द स्वास्थ्य विज्ञान विश्वविद्यालय गेटाके जनशक्ति पदपूर्ति प्रक्रियामे राजनीतिक हस्तक्षेप नैकरना पार्टीके नेता ओ कार्यकर्ताहे निर्देशन देल बा ।

विश्वविद्यालयके उपकुलपतिहे पत्र पठैती पदपूर्ति प्रक्रिया प्रचलित कानून, नियम ओ निर्धारित मापदण्डअनुसार निष्पक्ष, पारदर्शी ओ प्रतिस्पर्धात्मक ढङ्गसे आधे बहैकपर्ना रास्वपा सुदूरपश्चिम प्रदेशके महामन्त्री सन्तोषराज जोशी जानकारी देलै ।

उहाँसे प्रदेश, जिल्ला, पालिका ओ अन्य तहके पदाधिकारी ओ सदस्यसँगे पार्टीसे निर्वाचित सांसद ओ सम्बन्धित व्यक्तिसे अपन पद, पहुँच ओ पार्टीके नाम प्रयोग करके पदपूर्ति प्रक्रियामे

दबाव, प्रभाव, व्यक्तिगत सिफारिस ओ हस्तक्षेप नैकरना निर्देशन देल हो ।

उहाँसे पार्टीके नाम ओ राजनीतिक पहुँचके दुरुपयोग करके विश्वविद्यालयके स्वायत्तता ओ पदपूर्ति प्रक्रियामे हस्तक्षेप करल जानकारी प्राप्त हुइल प्रदेश समितिहे जानकारी करैनाफे आग्रह करलै । असिन गतिविधिमे संलग्न हुइल पाइलै पार्टीके विधान ओ आन्तरिक व्यवस्थाअनुसार कारबाहीके प्रक्रिया आधे बहैना जोशी बटैलै ।

रास्वपासे विश्वविद्यालयके शैक्षिक, प्रशासनिक ओ चिकित्सकीय विकासके लग आवश्यक सहयोग ओ सहजीकरण कैना अपन सकारात्मक रहलके स्पष्ट पारल बा ।

असिन सहयोगहे विश्वविद्यालयके निर्णय ओ जनशक्ति पदपूर्ति प्रक्रियामे राजनीतिक प्रभावके रूपमे प्रयोग नैकरना प्रतिबद्धता जनैले जोशी बटैलै ।

अवैध लागूऔषध सहित तीन जाने पक्राउ

पहुरा समाचारदाता

कञ्चनपुर, ८ कुँवार । कञ्चनपुर जिल्लाके टमान ठाउँसे अवैध लागूऔषध सहित तीन जाने पक्राउ परल बटै ।

भिमदत्त न.पा.१८ कटान जानकी टोलसे अवैध लागूऔषध खैरो हिरोइन ११० मिलिग्राम सहित उहे न.पा.३ भाषी बैठना १८ वर्षीय किशोरहे पक्राउ करल हो ।

बुधके रोज दोप्हर जिल्ला प्रहरी कार्यालय कञ्चनपुर ओ लागूऔषध नियन्त्रण ब्युरो शाखा कार्यालय महेन्द्रनगरसे संयुक्त रुपमा खटल प्रहरी टोली शंका लग चेकजाँच करटी उ पदार्थ फेला पारके पक्राउ

करले बा ।

ओस्टेक करके, कञ्चनपुर जिल्लाके बेलौरी न.पा.७ बरैया स्थित लागूऔषधके कारोवार हुइटीरहल बा कना गोप्य सुचनाके आधारमे अवैध लागूऔषध खैरो हिरोइन २ ग्राम ३५० मिलिग्राम सहित शुक्लाफाँटा न.पा.९ नौखरी बैठना वर्ष २६ के विक्रम ङ्गौरा ओ ऐ. १० बैठना वर्ष २२ के महेश चौधरीहे पक्राउ परल बटै ।

बुधके साँभन इलाका प्रहरी कार्यालय बेलौरी, कञ्चनपुरसे खटल प्रहरी टोली चेकजाँच करके उ पदार्थ फेला पारके उहाँहुनसे प्रयोग करल शु.न.पा.हे ४० नम्बरके अटो सहित दुनु जानेहे पक्राउ करल बा ।

वर्षाके सम्भावनापाछे टीकापुरके सक्कु विद्यालय कुँवार ९ गते बिदा

पहुरा समाचारदाता

धनगढी, ८ कुँवार । अवरिल वर्षाके कारण बाढ, डुबानलगायतके विपद्के जोखिम बढैसेक्ना कहटी टीकापुर नगरपालिकासे नगर क्षेत्रभितरके सक्कु सामुदायिक ओ संस्थागत विद्यालयमे एक दिनके लग बिदा देना निर्णय करल बा ।

नगरपालिकाके शिक्षा, युवा ओ खेलकुद शाखासे २०८३ कुँवार ८ गते जारी करल सूचनाअनुसार कुँवार ९ गते टीकापुर नगरपालिका क्षेत्रभितरके सम्पूर्ण विद्यालय बन्द रहना ।

नेपाल मौसम विज्ञान विभागके मौसम पूर्वानुमान महाशाखासे जारी करल विशेष मौसम बुलेटिनमे कुँवार ९, १० ओ ११ गते देशभर वर्षाके उच्च सम्भावना रहल पूर्वानुमान करलपाछे सम्भावित बाढ

ओ डुबानके जोखिमहे ध्यानमे राखटी विद्यालयमे बिदा देना निर्णय करल नगरपालिका जनैले बा ।

नगरपालिकासे उ बिदाहे विद्यालयसे पाइना स्थानीय बिदामे समायोजन कैना समेत अनुरोध करल बा ।

टीकापुर नगरपालिकाके प्रमुख प्रशासकीय अधिकृत ममता बास्तोलाद्वारा जारी सूचनामे नगर क्षेत्रके सक्कु सामुदायिक ओ संस्थागत विद्यालयहे निर्णय कार्यान्वयन कैना आग्रह करल बा ।

ओस्टेक कैके कैलारी गाउँपालिकासे बाढके जोखिम हुगिलेसे बिदाके दिन फेन जनप्रतिनिधि, कर्मचारीहुनसे प्रभावित क्षेत्रमे उद्धारके लाग खटना ओ आवश्यक परल बेला बिदाके दिन फेन सेवा प्रदान कैना एक विज्ञप्ति जारी करटि जनैले बा ।

सुदूरपश्चिम प्रदेशको अत्याधुनिक सुविधा सम्पन्न

Hasanpur, Dhangadhi-5, Kailali, Nepal
091-527000/01/02, 9865680100, 9804600745
www.nisarghospitalnepal.com / nisarghospitalnepal

Advanced Healthcare for all...

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिशियन (पेट, श्वाती, मुटु) रोग विशेषज्ञ	रेडियोलोजी विशेषज्ञ	न्युरो, मसिटाक, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारीय विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बङ्गारा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	गुगौला तथा गुत्ररोग विशेषज्ञ	मुटु रोग विशेषज्ञ	

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सळ्वाहकार : दिलबहादुर चौधरी

पहुढा सठपाढक : कृष्णराज सर्वहारी

व्यवस्थापन सळ्वाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७०१८८७/९८२५२९२०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, बेहडी, धनगढी

संधियारको नाममा जारी ७ दिने सूचना

यस उपमहानगरपालिकाको वडा नम्बर ६ जाली स्थित कित्ता नं. ४४८ क्षेत्रफल ३३८६.३ वर्गमिटरमा भवन निर्माण गर्ने घरधनी श्री रामप्रसाद चौधरीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले ७ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: छोटेलाल चौधरी, रामप्रसाद चौधरी, सुनिलकुमार चौधरी, रामलखन चौधरी, जापान चौधरी, लहानु चौधरी, सुजल चौधरी

पश्चिम: छोटेलाल चौधरी, दानसिंह धामी, रामकुमारी चौधरी, लक्ष्मण ब.भट्टराई, छोटेलाल चौधरी

उत्तर: सडक

दक्षिण: योगराज पाण्डेय, योगराज पाण्डेय

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर १९ स्थित कित्ता नं. १६५७ क्षेत्रफल ३३८.६३ वर्गमिटरमा भवन निर्माण गर्ने घरधनी श्री लक्ष्मीदेवी शाहीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: दिपक, रवि, गोलुदेवी विक

पश्चिम: सडक

उत्तर: दिपक, रवि, गोलुदेवी विक

दक्षिण: रिमादेवी ओली

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ८ जनआवाज टोल स्थित कित्ता नं. ९३, ९५ क्षेत्रफल १६९.२९ वर्गमिटरमा भवन निर्माण गर्ने घरधनी श्री पार्वती देवी चौधरीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: तिलक चौधरी

पश्चिम: सडक

उत्तर: नारादमुनी राना र दयाराम राना

दक्षिण: तिलक चौधरी

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ४ उत्तरबेहडी स्थित कित्ता नं. ८० क्षेत्रफल ८२० वर्गमिटरमा भवन निर्माण गर्ने घरधनी श्री सुनिता सुरीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: रमेश केसी, दिपक कुमार केसी

पश्चिम: दिपक कुमार थापा क्षेत्री

उत्तर: रेखा पाण्डे पन्त, मोहन बहादुर कलेल, विष्णुदेवी चन्द, गोविन्द प्रसाद जोशी, कर्णबहादुर ज्ञवले

दक्षिण: दिपक सुरी

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

डिजिटल संसद्के मार्गचित्र

नेपालको संसद् सचिवालयसे संसदीय कार्यप्रणालीहे प्रविधिमैत्री बनैटि ‘डिजिटल संसद्’ के अवधारणा आघे बहल बा । यी १६ औँ पञ्चवर्षीय योजनाके ‘डिजिटल सुशासन’ के लक्ष्य पूरा करना एक ऐतिहासिक कदम हो । यिहिनसे कागजी प्रक्रियाहे हटाके संसदीय काममे पारदर्शिता, गति ओ जनविश्वास बहल बा । डिजिटल संसद्के मुख्य उद्देश्य जनताहे संसद्का काम कानून निर्माण ओ सरकारके निगरानी हो कना बुझैना फेन हो । मने यी अभ्यासमे कुछ व्यावहारिक ओ राजनीतिक चुनौती डेखाइल बा । आधुनिक प्रविधिमे विश्वास करना नयाँ नेतृत्व लम्बेतान भौतिक बैठकसे प्रविधिके प्रयोगसे काम करना ढेर रुचैँ । यिहिनसे कार्यकारी प्रमुखके समय बचाके नीतिगत सुधारमे ध्यान डेना सहयोग पुगाइठ ।

औरैओर पुरान राजनीतिक दल अभिन फेन परम्परागत शैलीमे अडिग बा । उहाँहुके प्रधानमन्त्रीके भौतिक उपस्थितिहे किल जवाफदेहिताके मापदण्ड मन्तै ओ प्रधानमन्त्री नैरहल कारण संसद् अवरुद्ध करैँ । आधुनिक प्रविधिके युगमे भौतिक उपस्थितिहे किल सर्वोपरि मन्ना अइसिन सोचसे संसद्के अमूल्य समय ओ राज्यके धनराशि अनावश्यक विवादमे खेर गैल बा । तसर्थ समय अनुसार चलन संसद्के प्रविधिके अधिकतम प्रयोग ओ सोचमे सकारात्मक परिवर्तन आवश्यक बा ।

विसं २०८३ भदौ १० गते प्रधानमन्त्री संसद्के सांसदके प्रश्नके उत्तर डेना कार्यसूची तय हुइल दिन बिहानके भोटेकोशी ओ त्रिशूली नदीमे आइल विनाशकारी बाढके कारण संसद् बैठक स्थगित करे परल उदाहरण हमारसँग बा । अइसिके प्राकृतिक विपत् वा भवितव्यके बेला भौतिक रूपमे बैठक बैठे नैसेकना सरकार जवाफदेहितासे जोगे खोजल आरोप लगन ओ कार्यपालिकाके महत्वपूर्ण काम प्रभावित हुइना दुनु जोखिम रहठ । यी दुनु पक्षबिचके सन्तुलन कायम करना ओ संसद्हे निरन्तर क्रियाशील बनैना विश्वव्यापी रूपमे प्रयोगमे आसेकल आधुनिक हाइब्रिड वा डिजिटल मोडेल हमार लाग फेन ओत्रे आवश्यक होसेकल बा ।

प्रविधिके संगम

नेपालके संविधानके धारा ७६ (१) प्रधानमन्त्री ओ मन्त्रीहे सामूहिक रूपसे संघीय संसद्प्रति उत्तरदायी बनैले बा । संविधानके भावना अनुसार प्रधानमन्त्री तथा मन्त्रीसे संसद्के उठल प्रत्येक नागरिक सरोकारके प्रश्नके उत्तर डेना ओ जनप्रतिनिधिसँग निरन्तर संवादमे रहना अनिवार्य दायित्व हो मने जब प्रधानमन्त्री वा मन्त्री विविध प्राविधिक वा कार्यव्यस्तताके कारण भौतिक रूपमे संसद्के उपस्थित हुइ नैसेकके संवैधानिक मर्मउपपर प्रश्न उठैटि पुरान दलसे संसद्के हंगामे करल डेखाइठ । यदि संसद् सचिवालयसे सुरक्षित डिजिटल ड्यासबोर्ड ओ

भिडियो कन्फ्रेंसिड प्रणाली तयार करना हो कलेसे प्रधानमन्त्रीलगायत मन्त्री तथा सांसदसे फेन अपन कार्यक्षेत्रसे डिजिटल माध्यमसे प्रश्नोत्तरकाल तथा संसद् बैठकमे भाग लेहे सेकना व्यवस्था मिलाइ सेवठै । यिहिनसे एकओर संविधानसे परिकल्पना करल सरकारके उत्तरदायित्व पूर्ण रूपमे पालना हुइना वातावरण निर्माण करे सेकि कलेसे औरै ओर संसद्के भौतिक उपस्थितिके निहँमे हुइना दैनिक अवरोध ओ भारी रकम खर्च हुइटि बा । हरेक संसदीय अधिवेशनमे विधेयकके मसौदा, प्रतिवेदन ओ दैनिक कार्यसूची छापेक लाग किल लाखौँ रुपियाँ बराबरके कागज ओ छपाइ खर्च हुइना करल बा । सुरुवाती चरणमे पूर्ण रूपमे कागजमुक्त (पेपरलेस) संसद् बनैना व्यावहारिक रूपमे कठिन हुइल ओरसे ‘न्यून कागज’ (लेस पेपर) के अवधारणासे यात्रा आगे बहैना ढेर व्यावहारिक रहठ । यिहिनसे कागजी खपतहे क्रमशः घटैटि लैजाइठ ।

तेसर चुनौती जनशक्ति व्यवस्थापनसँग सम्बन्धित

डेखाइठ । हाल संसद् सचिवालयमे प्रशासनिक जनशक्तिके बाहुल्य बा, जबकि आधुनिक डिजिटल संसद्के लाग सूचना प्रविधि ओ कानून निर्माणके लाग कानूनविज्ञके भारी आवश्यकता परठ । ओस्टेक डिजिटल संसद् स्थापनाके लाग सचिवालयके सांगठनिक स्वरूप ओ दरबन्दी परि मार्जन कैके प्राविधिक जनशक्ति थपेपरना आवश्यकता डेखाइठ । चौठा, संसद् सदस्यमे फरक फरक उमेर समूह ओ शैक्षिक योग्यता रहल व्यक्तिके उपस्थिति रहल ओरसे क्षमता अभिवृद्धि ओ प्रविधिके विकास तथा प्रयोगसम्बन्धी व्यावहारिक तालिमके व्यवस्था करे परठ । साथे प्रतिनिधि सभा ओ राष्ट्रिय सभाके नियमावलीमे व्यापक संशोधन कैके हाइब्रिड (फिजिकल वा भर्चुअल) उपस्थिति, डिजिटल प्रश्नोत्तरसम्बन्धी व्यवस्था ओ विद्युतीय मतदानहे कानुनी मान्यता प्रदान करे परठ ।

राजनीतिक तत्कताके स्थायी समाधान डेहे सेकि ।

प्रविधिके प्रयोगसे केवल प्रश्नोत्तरकाल ओ बैठकहे किल सहज नैबनाइठ, यिहिनसे पूर्ण रूपसे संसदीय अनुगमन ओ सार्वजनिक सुनुवाइहे फेन नयाँ उचाइमे पुगाइ सेकि । हाल टमान संसदीय समितिले तयार पारल महत्वपूर्ण प्रतिवेदन ओ ओकर कार्यान्वयनके अवस्था अत्यधिक रूपमे दराजमे सीमित हुइना करल बा । डिजिटल प्राणालीमार्फत समितिके प्रतिवेदन ओ सरकारहे डेहल निर्देशनके प्रगति विवरण नागरिक सोभे हेरे सेकना मेरिक सार्वजनिक करे सेकजइठ । यकर साथे संसद्के प्रस्तुत हुइल प्रत्येक शब्दहे टिपोट करना पारम्परिक हस्तलिखित शब्दशः (भर्बैटिम) प्रणालीहे कृत्रिम बुद्धिकता (एआई) मे आधारित बोलल शब्दहे स्वचालित रूपमे लिखित पाठमे रूपान्तरण करना आधुनिक प्रविधि (भ्वाइस-टु-टेक्स्ट) से स्वचालित बनाइ सेकजाइठ । यिहिनसे संसद् सचिवालयके समय, बजेट ओ जनशक्तिके भारी बचत करटि त्रुटिरहित डिजिटल अभिलेख तयार करना मद्दत पुगाइठ ।

आधुनिक संसद्के आवश्यकता

पारम्परिक संसदीय प्रणालीसे केवल भौतिक उपस्थिति ओ विशाल कागजी संयन्त्रहे किल मान्यता डेहल ओरसे यिहिनसे समय ओ राज्यकोषके

सिद्धान्तः कानून निर्माणके मुख्य जिम्मेवारी संसद्के रहठ मने व्यावहारिक रूपमे हमार अधिकांश विधेयक कार्यपालिका वा मन्त्रालयसे तयार होके अइना व्यवस्था बा । संसद्हे कानून निर्माणके वास्तविक ठाउँ बनैना ओ सांसदहे तथ्यपरक तथा तथ्यांकमे आधारित बहसमे उतरना आधुनिक प्रविधिके सहयोग अपरिहार्य हुइल बा । अध्ययन ओ अनुसन्धानके कमीसे कबुकाल सांसदके तर्क तथ्यांकसे बाहिर जैना करल डेखाइठ । डिजिटल पुस्तकालय ओ प्रविधिमे आधारित अनुसन्धान प्रणालीसे सांसदहे क्षणभरमे प्रमाणिक तथ्यांक उपलब्ध कराइ सेकि । मन्त्रीहुके फाइल ओसारपसार ओ भौतिक उपस्थितिमे समय बिटैनाके साट्टा नीतिगत ओ प्रशासनिक सुधारके काममे ध्यान केन्द्रित करे सेकठै, उहिनसे अन्ततः समग्र देशके सुशासन ओ कार्यकुशलतामे व्यापक सुधार नन्ना मद्दतगार रहठ । यकर लाग अन्तर्राष्ट्रिय प्रचलनके आवश्यक प्रयोग करे सेकजाइ ।

अन्तर्राष्ट्रिय अभ्यास

विश्वके विकसित लोकतन्त्रसे संसदीय सञ्चालनमे प्रविधिहे पूर्ण रूपमे आत्मसात् करले बा । दक्षिण कोरियाके विद्युतीय राष्ट्रिय सभा (ई नेसलन एसेम्ब्ली) हे विश्वके सबसे आधुनिक मानजाइठ । अध्ययनके क्रममे कोरियामे रहल यी पङ्क्तिार

विचार

डा. राजेश्वर कुशवाहा

फेन यी नमुना डिजिटल संसद्के अवलोकन करल रहे । यी संसद्के कागजके प्रयोग शून्य प्रायः रहल बाट अवलोकनके क्रममे बटाइल रहे । यहाँ प्रत्येक सदस्यके टेबुलमे जडान करल डिजिटल स्क्रिनमार्फत कृत्रिम बुद्धिकता ओ केन्द्रीय तथ्यांकके प्रयोग कैके विधेयकके निमेषभरमे विश्लेषण ओ मतदान सम्पन्न हुइल परिणाम प्राप्त हुइठ । यिहिनसे संसदीय बहस तथ्यपरक ओ अत्यन्त प्रभावकारी रहठ ।

ओस्टेक बेलायतके संसद्से महामारीपश्चात् फेन हाइब्रिड संसद्के अवधारणाहे सफलतापूर्वक आगे बहल बा । बेलायतमे मन्त्री वा सांसद देशके अन्य महत्वपूर्ण काममे व्यस्त रहल वा भौतिक रूपमे उपस्थित हुइना असमर्थ होके सुरक्षित भिडियो लिंकमार्फत सदनके प्रश्नके उत्तर डेना ओ बहसमे सहभागी हुइना कानुनी व्यवस्था मिलाइल रहठ । फराकिलो भूभाग ओ जटिल भूगोल रहल अस्ट्रेलियामे फेन सांसदके लाग विद्युतीय मतदान ओ अनलाइन समिति बैठकके व्यवस्था बा । यिहिनसे सांसद अपन निर्वाचन क्षेत्रमे रहल बेलामे फेन संसदीय निर्णय प्रक्रियामे भाग लेहे सेकठै । विद्युतीय शासनमे विश्वके दोसर स्थानमे रहल मने भूगोल ओ जनसंख्याके हिसाबसे एकदम छोट देश एस्टोनिया ओ युरोपेली संघके संसद्के सुदृढ साइबर सुरक्षाके साथे सक्कु संसदीय अभिलेख डिजिटल रूपमे सुरक्षित रहठ, यिहिनसे नीति निर्माणमे पारदर्शिता ओ स्थायित्व कायम करना मद्दत करठ ।

नीतिगत मार्गचित्र ओ चुनौती

नेपालके सन्दर्भमे डिजिटल संसद्हे केवल अवधारणामे किल सीमित नैढैके पूर्ण रूपमे कार्यान्वयनमे नन्ना संरचनागत ओ व्यावहारिक चुनौतीहे सम्बोधन करटि स्पष्ट नीतिगत मार्गचित्र बनैना आवश्यक डेखाइठ । पहिल चुनौती वित्तीय स्वायत्तता कायम करना हो । संविधानतः व्यवस्थापिके स्वायत्त अंग रलेसे फेन बजेटके लाग संसद् सचिवालय अर्थ मन्त्रालयउपपर निर्भर रहेपरना बाध्यता बा । बजेट सीमा निर्धारणके क्रममे अर्थ मन्त्रालयसे संसद्के प्राविधिक बजेट कटौती करना व्यावहारिक समस्या बा । यिहिनहे अन्त्य कैके डिजिटल पूर्वाधारके लाग छुट्टे ओ सुनिश्चित बजेटके व्यवस्था करेपरना रहठ । दोसर, संसद् सचिवालयसँग अद्यावधिक दीर्घकालीन रणनीतिक योजना ओ कार्ययोजनाके नैहुइल अवस्था बा ।

तेसर चुनौती जनशक्ति व्यवस्थापनसँग सम्बन्धित डेखाइठ । हाल संसद् सचिवालयमे प्रशासनिक जनशक्तिके बाहुल्य बा, जबकि आधुनिक डिजिटल (*बॉकी ३ पेजमे*)

📍 (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१२७२७, ९७६९९३२१०५

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)

निकुञ्ज क्षेत्रके राजमार्गमे वन्यजन्तुमैत्री पुल जरूरी

पहुरा समाचारदाता

धनगढी, ८ कुँवार । शुक्लाफाँटा राष्ट्रिय निकुञ्जके चम्पापुर क्षेत्रमे एकठो भाले चित्तल ओ तीनठो मोटरसाइकल आपसमे टकराइल रहे । सोम्मारके पूर्व-पश्चिम राजमार्गमे हुइल इ दुर्घटनामे चित्तलके घटनास्थलमे ज्यान गैल कलेसे मोटरसाइकलमे सवार चार जनहनहे चोटपटक लागल रहे ।

वन्यजन्तु उगरा कट्टी रहल बेला हुइल इ खालके दुर्घटना नौलो भर नैहो, उहीसे आघे फेन टमान समयमे अइसीन दुर्घटना होसेकल बावै । निकुञ्ज क्षेत्रके कोर एरियामे वन्यजन्तु ओ सवारी साधन टकरैनाक्रम बहटी गैलपाछे निकुञ्ज क्षेत्रके राजमार्गमे वन्यजन्तुके सुरक्षित ओहोरदोहोरके लाग वन्यजन्तुमैत्री पुलके अभाव खटकल बा ।

सवारी साधनके चाप बहटी गैल ओरसे संरक्षण क्षेत्रके राजमार्गमे वन्यजन्तुमैत्री पुलके अभाव खटकल हो । निकुञ्ज क्षेत्रके सडकमे वन्यजन्तुसे सुरक्षित वारपार करक लाग 'अन्डर पास' पुल जरूरी होसेकल निकुञ्जके अधिकारी बटैले बटै । वन्यजन्तुके कारण हुइना दुर्घटना वा सवारी साधनके कारण हुइना वन्यजन्तुके क्षति न्यूनीकरणके लाग निकुञ्ज क्षेत्रके राजमार्गमे वन्यजन्तुमैत्री पुल बनैना आवश्यक रहल शुक्लाफाँटा राष्ट्रिय



निकुञ्जके सूचना अधिकारी एवम् सहायक संरक्षण अधिकृत पुरुषोत्तम वाग्ले बटैले ।

उहाँ ओइसीन दुर्घटना बसेनि चार/पाँच ठो घट्टी रहल ओरसे राजमार्गमे वन्यजन्तुमैत्री पुल बनैना अति आवश्यक रहल उल्लेख करलै । वाग्ले कहलै, "शुक्लाफाँटा राष्ट्रिय निकुञ्जमे दक्षिणसे चुरे क्षेत्र ओ चुरे क्षेत्रसे दक्षिण ओर बाघ, हाँठी लगायतके वन्यजन्तु ओहोरदोहोर कैना करल बटै । वन्यजन्तु वा सवारी साधनके कारण दुर्घटना हुइटी रहल ओरसे यकर न्यूनीकरणके लाग अन्डर पास पुल यहाँ अनिवार्य रहल बा ।"

शुक्लाफाँटा राष्ट्रिय निकुञ्जके क्षेत्रमे करिब तीन किलोमिटर महेन्द्र

राजमार्ग पना करल बा । यहाँ राजमार्ग क्षेत्र लम्मा नैरहल ओरसे कम खर्चमे वन्यजन्तुमैत्री पुल निर्माण करे सेकजैना बटाइल बा । अब्बे रहल राजमार्गके लेभलमे वन्यजन्तु टरेसे ओहोरदोहोर कैना ओ उपपरसे सवारी साधन आवजावत कैना मेरके पुल बनाइ सेकलमे दुर्घटना रोके सेकजैना निकुञ्ज कार्यालयके ठहर रहल बा ।

"यहाँ वन्यजन्तुके किल नैहोके मनैन्के फेन ज्यान जाइ सेकट", सूचना अधिकारी वाग्ले कहलै, "ओहोमे फेन निकुञ्ज क्षेत्रके राजमार्गमे अन्डर पास पुल आवश्यक रहल बा ।"

भारतके देहरादुनसे हरिद्वार जोना राजमार्गमे वन्यजन्तुमैत्री पुल भारत सरकारसे बनैले बा । नेपालमे फेन

चितवन राष्ट्रिय निकुञ्जमे अइसीन पुल बनैना चर्चा रहल बा । शुक्लाफाँटामे कम खर्चमे वन्यजन्तुमैत्री पुल बनाइ सेकजैना हुइल ओरसे ओकर लाग एसियाली विकास बैंक लगायत दातृ निकायसंग छलफल चलैना वाग्ले बटैले ।

सोम्मारके वन्यजन्तु ओ मोटरसाइकल टकराके हुइल दुर्घटनामे सुन्दर भट्ट ओ मोटरसाइकलमे सवार उहाँके गोसिनीया गंगादेवी घाहिल हुइल रहित । डुनु जनहनके धनगढीस्थित मायामेट्रो अस्पतालमे उपचार हुइटी रहल बा । दुई जनहनहे भर कम चोटपटक लागल जनाइल बा ।

निकुञ्ज क्षेत्रके राजमार्गमे अक्केठो किल चेकपोष्ट रहल बा । चेकपोष्ट अक्केठो रहल ओरसे सवारी साधन तीव्र गतिमे कुडाइबर दुर्घटना हुइना करल बटाइल बा । चेकपोष्ट नैरहल क्षेत्रमे सीसी क्यामेरा जडान कैके निगरानी करे सेकलमे दुर्घटना न्यूनीकरणमे सहयोग पुगना सेक्टर कार्यालयके राजेश लम्साल बटैले । उहाँ दीर्घकालीन रुपमे समस्या समाधानके लाग भर अन्डर पास पुल नै आवश्यक पना उल्लेख करल रहित ।

लम्साल कहलै, "दैजी-बेल्डौंडी जैना सडकमे फेन अस्टे समस्या रहल बा । पाछे ओइसीन फेन सवारी साधनके चाप बहना हुइल ओरसे १५ किलोमिटर निकुञ्ज क्षेत्र पना इ सडक खण्डमे फेन अन्डर पास पुल आवश्यक रहल बा ।"

कर्णालीके कटान रोकेक लग तटबन्ध

पहुरा समाचारदाता

धनगढी, ८ कुँवार । कर्णाली लडियामे सम्भावित बाढ ओ कटानसे बस्ती ओ खेतीयोग्य जमिन जोगैना टीकापुर नगरपालिका वडा नं. ८ स्थित पुदाल टोल लगगे अस्थायी तटबन्ध निर्माण सुरु करलै ।

कर्णाली लडियाके बहल जोखिमहे मध्यनजर करटी वडा नं. ७ ओ ८ के स्थानीय बासिन्दा, सुरक्षा निकाय, टीकापुर नगरपालिका ओ रानी जमरा कुलरिया सिँचाइ आयोजनाके सहकार्यमे तटबन्ध निर्माणके काम आघे बहलै ।

सम्भावित बाढसे हुइ सेकना क्षति रोक्ना स्थानीय बासिन्दा जनश्रमदानमाफत लडिया किनारेमे खटल बटै । जोखिमयुक्त क्षेत्रमे तत्काल रोकथामके उपाय अपनैटी लडिया कटान नियन्त्रण कैना उद्देश्यसे अस्थायी तटबन्ध निर्माणहे तीव्रता देलै । तटबन्ध निर्माण कार्यमे स्थानीय बासिन्दासँग सुरक्षा निकायके सुरक्षाकर्मीके

समेत सक्रिय सहभागिता रहल बा । विपद्के जोखिम न्यूनीकरणके लग समुदाय, स्थानीय सरकार, सुरक्षा निकाय ओ सरोकारवाला निकायबीचके सहकार्यहे स्थानीयसे सकारात्मक रूपमे लेहल बटै ।

इ अभियानमे राष्ट्रिय स्वतन्त्र पार्टी (रास्वपा) टीकापुर नगर समिति अध्यक्ष इन्जिनियर रविन्द्र विष्टलगायत स्थानीय ओ अन्य कार्यकर्ताहे समेत सहभागिता रहल बा ।

कर्णाली लडियाके कटानसे प्रभावित हुइ सेकना क्षेत्रके संरक्षणके लग तत्काल अस्थायी उपाय अपनाइल हो । स्थानीयके सक्रिय सहभागितामे हुइटीरहल तटबन्ध निर्माणसे सम्भावित बाढ ओ लडिया कटानसे हुइना क्षति न्यूनीकरणमे सहयोग पुगना अपेक्षा करलै ।

सम्भावित विपद् आइनाआघे समुदायस्तरसे करल इ सामूहिक पहल 'पूर्वतयारी जोखिम न्यूनीकरणके पहिल उपाय हो' कना सन्देशसमेत देलै ।

भारत जैटीरहल दुई किशोरी नियन्त्रणमे

पहुरा समाचारदाता

कञ्चनपुर, ८ कुँवार । कञ्चनपुरके दुई जाने किशोरी भागके भारत जाइटीरहलके अवस्थामे सशस्त्र प्रहरीसे नियन्त्रणमे लेहल बा । भारतीय सशस्त्र सीमा बल (एसएसबी)से गड्डाचौकी-बनबासा सीमा क्षेत्रहे उहाँहुकनहे नियन्त्रणमे लेना नेपाल फिर्ता पठाइल हो ।

कञ्चनपुरके बेलडाँडी गाउँपालिका-१ बैठना १४ ओ १५ वर्षके दुई किशोरी गड्डाचौकी हुइटी भारतओर जाइटीरहल रहित । उ क्रममे भारतीय एसएसबीके ५७औं

बटालियनअन्तर्गत ई कम्पनी बनबासाके चेकपोस्टमे महिला सहजकर्ता टोली शंका लागके सोधपुछ करल रहे । सोधपुछके क्रममे उहाँहुके घरसे भागके भारतओर जैना लागल खुललपाछे एसएसबीसे दुनुहे नेपाल फिर्ता पठाइल हो ।

उहाँहुकनहे बिफेक बिहान नेपाल ल्याई सशस्त्र प्रहरी बल नेपाल गड्डाचौकीस्थित गुल्ममे बुझाइल रहे । ओकरपाछे शान्ति पुनर्स्थापना केन्द्र गड्डाचौकीसे खटल परामर्शदाताके जिम्मा लगाइल सशस्त्र प्रहरी जनैले बा । घटनाबारे थप अनुसन्धान हुइटीरहल जनैले बा ।

कृत्रिम बुद्धिमत्ता (AI) को उचित प्रयोग गरौं

- ❖ कृत्रिम बुद्धिमत्ताको प्रयोग मानव हित, नैतिकता र कानुनी व्यवस्था अनुसार गरौं,
- ❖ कृत्रिम बुद्धिमत्ताबाट प्राप्त जानकारीको सत्यता र विश्वसनीयता पुष्टि गरेर मात्र प्रयोग गरौं,
- ❖ व्यक्तिगत गोपनीयता र संवेदनशील जानकारीको सुरक्षा सुनिश्चित गरौं,
- ❖ कृत्रिम बुद्धिमत्ताको प्रयोगबाट गलत सूचना तथा भ्रमपूर्ण सामग्रीको प्रचारप्रसार नगरौं,
- ❖ शिक्षा, स्वास्थ्य, कृषि, उद्योग र सार्वजनिक सेवामा कृत्रिम बुद्धिमत्ताको उचित प्रयोगलाई प्रोत्साहन गरौं,
- ❖ डिजिटल सीप र कृत्रिम बुद्धिमत्तासम्बन्धी सचेतना अभिवृद्धि गरौं,
- ❖ मानव निर्णय, उत्तरदायित्व र पारदर्शितालाई प्राथमिकता दिऔं ।



नेपाल सरकार
विज्ञापन बोर्ड

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

डा. अकाश राउत
MBBS, MD (TJ), Internal Medicine
Senior Consultant Physician
NMC NO. 20304
आउने समय : प्रत्येक दिन (२४ घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू :

- १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन ।
- २) स्त्री रोग तथा प्रसूती सम्बन्धी सेवा (बोँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) ।
- ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, पोस्टेटको अपरेसन तथा पित्तथैलीको पत्थरी अपरेसन) ।
- ४) हाड(जोर्ती) तथा नशा सम्बन्धी सेवा (हाटखुट्टा बाङ्ने, फ्याक्चर, हाडजोर्तीको दुखाई, कम्मर दुख्ने तथा अत्याधुनिक मेसिनबाट हड्डीको अपरेसन)छाती, मुटु, कलेजो तथा पेट सम्बन्धी सेवा ।
- ५) यौनरोग, कपाल तथा छाला रोग सम्बन्धी सेवा ।
- ६) मानसिक तथा मनोरोग सेवा ।
- ७) नाक, कान, घाँटी रोग सम्बन्धी सेवा ।
- ८) मुछाँ पतुँ, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा ।
- ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग ।
- १०) आगोले पोलेको हातखुट्टा बाङ्गिएको र खुँडेको अपरेसन आदि सेवा ।

कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली
फोन नं. ०९१-५२४५५५, ५२४६५४, ५२९२४९

सिप बेचके भित्रल सात अर्ब

काठमाडौं, ८ कुँवार । टमान मेरिक व्यावसायिक सिप ओ सेवा बेचके नेपाली विदेशसे एक महिनामे करिब सात अर्ब रुपियाँ आम्दानी करले बा । रोजगारीके लाग बाहिरेपरना बाध्यतात्मक परिस्थितिबिच फेन कुछ विदेशमे माग रहल सेवा उपलब्ध कराके नेपालमे रहिके विदेशी मुद्रा भित्राइल हो ।

नेपाल राष्ट्र बैंकके अनुसार सावनमे किल नेपाली टमान पाँच प्रकृतिके सेवा बेचके छ अर्ब ८१ करोड ६४ लाख आम्दानी करल बा । नेपालीसे खास कैके अनुसन्धान ओ विकास, व्यावसायिक ओ व्यवस्थापन परामर्शलगायतके सेवा बिक्री करल राष्ट्र बैंकके तथ्यांकसे देखाइल ।

यीबाहेक प्राविधिक, व्यापार सम्बन्धित ओ अन्य व्यवसाय सेवा, श्रव्यदृश्यसँग सम्बन्धित सेवा, अन्य व्यक्तिगत, सांस्कृतिक ओ मनोरञ्जनात्मक सेवा बिक्री फेन नेपालीके आम्दानी माध्यम देखाइल ।

सावनमे सबसे ढेर व्यावसायिक ओ व्यवस्थापन परामर्श सेवा प्रदान कैके नेपाली तीन अर्ब १८ करोड रुपियाँ आम्दानी करले बा । ओकरपाछे प्राविधिक, व्यापार सम्बन्धित ओ अन्य

व्यवसाय सेवा बिक्रीमाफत दुई अर्ब ३६ करोड रुपियाँ आम्दानी हुइल तथ्यांक देखाइल ।

उल्लेखित सेवा उपलब्ध कराके गैल वर्ष सावनमे नेपालीसे पाँच अर्ब ७० करोड रुपियाँ बराबरके विदेशी मुद्रा भित्राइल रहे । यी वर्ष सावनमे थप एक अर्ब ११ करोड रुपियाँ आम्दानी बहल तथ्यांक देखाइल ।

सेवा बिक्रीमाफत नेपालीसे विदेशसे करना आम्दानी बढके व्यक्तिगतस्तरमे अपन सिप बेचके हुइना आम्दानी फेन बहल देखाइल । राष्ट्र बैंकके अनुसार सावनमे किल सब प्रकृतिके सेवा बिक्रीमाफत १८ अर्ब ५३ करोड रुपियाँ आम्दानी हुइल बा ।

यी अन्तर्गत यात्रा, ढुवानी, शैक्षिक तथा भ्रमण खर्च, निर्माण, वित्तीय सेवालगायतके बृहत् सेवा फेन परल । कम्प्युटरसम्बन्धी सेवा उपलब्ध कराके एक अर्ब ६१ करोड रुपियाँ भित्रैलेसे फेन तथ्यांकमे उल्लेख बा । कम्प्युटर ओ सूचनासम्बन्धी सेवा खास कैके आइटी सेवा निर्यातसँग ढेर सम्बन्धित बा ।

खरिदमे फेन बाहिरट करोडौं

व्यावसायिक सिप बिक्रीसे आर्जन किल नाइकि, ओस्टेक मेरिक सेवा

खरिदमे फेन नेपालसे करोडौं रुपियाँ बाहिरिलेसे फेन तथ्यांक देखाइल । राष्ट्र बैंकके अनुसार सावनमे किल अइसिन सेवा खरिदमे तीन अर्ब ५३ करोड रुपियाँ बाहिरल बा । उमध्ये सबसे भारी खर्च प्राविधिक, व्यापार सम्बन्धित ओ अन्य व्यवसाय सेवामे खर्च हुइल देखाइल । यी शीर्षकमे किल तीन अर्ब नौ करोड रुपियाँ बाहिरल तथ्यांक बा ।

भ्रमणसे भित्रल पाँच अर्ब

विदेशी पर्यटकसे नेपाल भ्रमण करलबापत सावनमे पाँच अर्ब रुपियाँसे ढेर आम्दानी हुइल बा । राष्ट्र बैंकके अनुसार यी अन्तर्गत व्यावसायिक भ्रमणसे ५६ लाख ओ व्यक्तिगत भ्रमणसे पाँच अर्ब ४२ करोड रुपियाँ आम्दानी हुइल बा । सावनमे किल भ्रमण शीर्षकसे कूल पाँच अर्ब ४३ करोड रुपियाँ आम्दानी हुइल देखाइल ।

यी अवधिमे भ्रमण शीर्षकमे नेपालसे भर १५ अर्ब ९२ करोड रुपियाँ बाहिरल बा । उमध्ये व्यक्तिगत भ्रमणमे किल १५ अर्ब ५७ करोड रुपियाँ बाहिरल तथ्यांक देखाइल । वैदेशिक रोजगारी, घुमघाम, शैक्षिक तथा स्वास्थ्य प्रयोजनसहितके भ्रमण फेन यी शीर्षकमे समेटल ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाईन्छ ।
कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन नं. ०९१४१०१०५, सुजित मो. ९८५८४३९१२, सुनिल मो. ९८६७७९३५२१, महेश मो. ९८१३१३१०२९